



Лүимә СЭрипос

14.01.2021
№ 1 (1235)

www.khanty-yasang.ru

Основана 11 февраля 1989 года

E-mail: gazeta@khanty-yasang.ru



С. Ромбандеева вѳрум хури

Ты номерт ловиньтЭн:

Кўцаит Эрнэ
сакконыт
пирмайтасыт ▶ 3

Ёмцакв
рўпитан мѳхум
янытлавёсыт ▶ 5

Кимкьясўй мѳхум
ищйпың ут тѳл
ѳлэгыт ▶ 8

Мѳнъци мирув
нѳврамытн
янытлаве ▶ 10-11

Эква 80 тѳлэ
тѳвлыс ▶ 13

Пўмащ урокыл
вѳрыглавёсыт 15

10-11 лѳпсыг

2021 тал

Тал котиль Этпос (Январь)

ПН		4	11	18	25
ВТ		5	12	19	26
СР		6	13	20	27
ЧТ		7	14	21	28
ПТ	1	8	15	22	29
СБ	2	9	16	23	30
ВС	3	10	17	24	31

Рётың юсвой Этпос (Февраль)

	1	8	15	22
	2	9	16	23
	3	10	17	24
	4	11	18	25
	5	12	19	26
	6	13	20	27
	7	14	21	28

Мәньполь Этпос (Март)

	1	8	15	22	29
	2	9	16	23	30
	3	10	17	24	31
	4	11	18	25	
	5	12	19	26	
	6	13	20	27	
	7	14	21	28	

Яныгпөл Этпос (Апрель)

ПН		5	12	19	26
ВТ		6	13	20	27
СР		7	14	21	28
ЧТ	1	8	15	22	29
ПТ	2	9	16	23	30
СБ	3	10	17	24	
ВС	4	11	18	25	

Яңк нәтнэ Этпос (Май)

	3	10	17	24	31
	4	11	18	25	
	5	12	19	26	
	6	13	20	27	
	7	14	21	28	
1	8	15	22	29	
2	9	16	23	30	

Лүпта Этпос (Июнь)

		7	14	21	28
1		8	15	22	29
2		9	16	23	30
3		10	17	24	
4		11	18	25	
5		12	19	26	
6		13	20	27	

Ойттур Этпос (Июль)

ПН		5	12	19	26
ВТ		6	13	20	27
СР		7	14	21	28
ЧТ	1	8	15	22	29
ПТ	2	9	16	23	30
СБ	3	10	17	24	31
ВС	4	11	18	25	

Вёртур Этпос (Август)

	2	9	16	23	30
	3	10	17	24	31
	4	11	18	25	
	5	12	19	26	
	6	13	20	27	
	7	14	21	28	
1	8	15	22	29	

Сүкыр Этпос (Сентябрь)

		6	13	20	27
		7	14	21	28
1		8	15	22	29
2		9	16	23	30
3		10	17	24	
4		11	18	25	
5		12	19	26	

Мәнь таквс Этпос (Октябрь)

ПН		4	11	18	25
ВТ		5	12	19	26
СР		6	13	20	27
ЧТ		7	14	21	28
ПТ	1	8	15	22	29
СБ	2	9	16	23	30
ВС	3	10	17	24	31

Яныг таквс Этпос (Ноябрь)

	1	8	15	22	29
	2	9	16	23	30
	3	10	17	24	
	4	11	18	25	
	5	12	19	26	
	6	13	20	27	
	7	14	21	28	

Вәт сәграпнал Этпос (Декабрь)

		6	13	20	27
		7	14	21	28
1		8	15	22	29
2		9	16	23	30
3		10	17	24	31
4		11	18	25	
5		12	19	26	

Кўщаит Эрнэ сәкконьт пирмайтасыт

Ювле хультум тәл оигпан порат округ Дума депутатыт юи-бвыл щёс акван-атхатыгласыт. Ты сапрәнит пуссын аквьёт налыман нупыл ат депутат бвыс. Тәнки халанылт ищхйпың ут хосыт вәт нупыл нёлолов тәлат урыл потыртасыт.

Тот округ бюджет, ханищтап, пусмалтан, наука тәлат ос мот вәрмалит элалы тотнэ мәгыс сәкконьт пирмайтавёсыт. Югра мāt «Герб ос флаг» ургалан сәккон рүпиты. Ань округ герб мот хуриг тәстувес. Сәртыннув ты тәла хосыт мәхум акван-атхатыгласыт.

Тән округув йис блупса ёмщакв ханищтасаныл. Ос герб мот щирыл вәрнэ мәгыстыт бленэ мир, Общественный палатат, ўсың, павлың советыт рүпитан мәхум ос мотаныт китыгласаныл. Пуссын аквьёт 351 элумхблас ты вәрмалы щирыл рүпитасыт.

Ты тәла ёмщакв ханищтасаныл ос пирмайтасаныл. Ань 2022 тәл мус герб

пёс хуритэ хот-виве, тав пёнтсылэ ләщал-ләщал йильпи хури тув вәраве тах.

Өлнэ колыт тах мивет

Мирн нётмил вәрнэ сәккон палт ос йильпи вәрмалы нётумтавес. Ань ветераныт ос яныг хонтыт хонтлум порат агмыңыгмосыңыг ёмтум хотпат ос та порат порсум сәлтатыт рүтаньл бленэ коланыл пёсыг ке ёмтсыт, ты колыт хот-щёпитаңкве нётает тах.

Колыт хот-щёпитан мәгыс мансәвит оln холтуңкве ос хунь вәруңкве эри, округ мирколт рүпитан хотпат ты рүпата ураль-

тым бньшуңкве патыяныл. Югра мāt пуссын аквьёт атсәткем тамле элумхблас бвы.

Мәхманув янытлавёсыт

Ты сапрәни блум порат округувт бленэ тәва хотпат «Почётный грамота» нэпакыл майвёсыт. Тән халанылт Хәльўс районт бленэ хотпат янытлавёсыт, тән наманыл ты:

Светлана Юрьевна Артеева – Хәльўс район Няхщамвөль павыл школат ныврамыт ханищтан нэ. Тав тот сәв тәл математика ос информатика тәлан ныврамыт ханищтыянэ.

Людмила Семёновна Истомина – Хәльўс район Саранпавыл «Сәлыкве» нампа мәнэ ныврамыт колт рүпитан нэ. Тав сәв тәл ныврамыт ургалым ос ханищтым рүпиты.

Надежда Петровна Пузина – Хәльўст бленэ

нэ, тав «Кораблик» мәнэ ныврамыт ургалан колт сәв тәл рүпиты.

Виктория Владиславовна Сандова – Тав Хәльўс районт Кульпас павыл школат 1-4 классытн ялантан ныврамыт ханищты.

Ольга Владимировна Ручей – Хулюмсүнт павыл искусства школат сәв тәл кўщаиг рүпиты.

Сосса мир пёс йис блупса, бленэ-хүлнэ нак элалы тотнэ мәгыс ос сәлың хум **Николай Георгиевич Хозяинов** «Почётный грамота» нэпакыл майвес. Ты саран хум Саранпавыл совхозт сәв тәл сәлыт урим яласы. Ань тав нёлоловит пиркәтат рүпиты.

Кўщяянув сәвсыр тәла урыл кит щёскем потыртасыт. Ань элалы тән йильпи тәлт рүпитаңкве акван-атхатэгыт тах.

Николай МЕРОВ



О.В. Ручей



Н.П. Пузина



С.Ю. Артеева

Пёс накыт Элаль тотавет

Ань 2021 тәл ООН мирыт рүпитан колн «креативный экономика сәвмалтан тәлыг» ләввес. Таимәгыс мөлты тәл вәт сәграпнал этпос 23 хөталэт Ханты-Мансийск үст ищхыпың ут хосыт «Финно-угорский вектор к креативной экономике» мирхал ханищтап вәрыглавес.

Тот финно-угор рүт мирыт, сәвсыр общественный ос некоммерческий организацият, мощцаг хультум лүймә мәхум акван-атхатыгласыт.

Ты мирхал ханищтахтын проект Югорский университет пәлыл финно-угор мәхум Ассоциациян щёпитәлвес. Тәнанылн ТК «Югра», ВГТРК «Югория» колыг ищхыпың ут хосыт акван-хөнтхатуңкве өс нётсыт. Округув 90 тәлэ төвлуме кастылты ханищтап вәрыглавес.

Ань сәвсыр мирыт халт экономика хумус элаль-паттуңкве эри, ты өвылтыт Ассоциацияг ләвнэ финно-угор университеттыт пуссын аквьёт потыртасыт. Тыи Марий Эл ос Мордовия, Удмуртия, Коми ос Карелия республикат өлнэ государственный университеттыт, тувыл Уральский лесотехнический университет ос Ямал мāt многопрофильный колледж ос ты тәлэ пүмщалан мōт мәхум.

Ищхыпың ут хосыт сәв мәныл атхатам мәхум өт өвлэт кұщайт пашалахта-сыт, Югра пәлыл Елена Шумакова, общественный ос внешний связь департамент кұщай нэ, ос Татьяна Карминская, ЮГУ ханищтахтын колт кұщай нэ, ләтың ләвсйг.

Тувыл мәхум сәвсыр ремёсланыл хумус элаль тотыяныл остыитыл хумус оln сәлуңкве рөви, пуссын

ханищтавёсыт. Тән өвлэт йильпи тәлат номтыңыщ вос вәрияныл. Ёмас намыл пинуңкве ос эрнэ хурил ман хансал пөслуңкве эри.

Та щирыл сәв мәхумн вәңкве ос ханьщүңкве патаве. Тох Арменият, Таджикистаныт ос мōт мāt нōх-вөрмалтам ремёслат урыл мәхум суссылтавёсыт. Тот тән пёс наканыл йильпи щирыл элаль тотнэ тәла щёпитасыт. Тох ань мәхманыл рүпата өньщөгыт ос пёс наканыл нэмхот-таль ат сōйми.

Алексей Цыкарев, ООН тармыл мощцаг хультум мирыт вәрмалит үргалан хөтпа, «Код северных ремёсел» проект урыл мәхумн потыртас. Тав Карелия мāt пёс наканыл элаль хумус тотуңкве патсаныл, таит ханищтым хултсанэ. Тән рүпатаныл «Инноватор-Топ» өвыл мāt өлы. Ос тәланыл сәкконытн мұсхалыг вос үргалавёсыт, тән ань Югра мәныл ханищтан нётмил вөвсыт.

«Новости Югры» колт кұщай нэ **Светлана Бурлуцкая** такви проектэ урыл потыртас. Тән округт өлнэ сәвсыр мәщтыр колыт акван-нётхатым рүпитаңкве вөвиянэ остув мәщтырыт, дизайнерыт, художникыт хөнтэгыт тах.

Креативный экономика, мә-вит үргалан тәлат өвылтыт **Борис Кочуров**, РАН колт учёный хум



Н. Анкина



Н. Плачек нэпак-лөпсэ

кит-хүрум ләтың ләвыс. Юграт экономика кұстырыг нōх-паттуңкве рөви, тыт йильпи производстват ос пёс накыт акван-вәрнэ щирыл ке тотавет, таимәгыс мә-вит үргалым вос өньщияныл.

Тувыл мәнлат мәхум манхурип проектыт өньщөгыт, тув щёпитан тәлат тәра-паттувёсыт. Тәнаныл ёмщакв вәрнэ щирыл Россия Ассамблея пәлыл мәнлат мәхум өт рүпитан нэ **Дина Громатикополо** ләтың хултыс.

Юи-өвылт «Финно-Угорская гостиная» акван-хөнтхатыглан тәла вәрвес. Мүй мәхум өт

Галина Эдин потыртас. Төнт Еремей Айпин «Собрание сочинений в пяти томах» Штрихи к портретам», Мария Волдина «Сөрни лопас» хансум нэпаканыл урыл потыртасыг.

Нэпак ловиньтан колт рүпитан нэ **Нина Плачек** «Мифы и предания хантов и манси в комиксах» йильпи нэпак ос Югорск үсныл Наталья Анкина «Этномир Югры» нампатәнки проектаныл суссылтасыт. Тән вәрум рүпатаныл урыл мōт газетат хансэв тах.

Тамара МЕРОВА

www.khanty-yasang.ru

Ёмщакв рүпитан махум янытлавёсыт

Молты тал ват саграпнал этпос лов хөталэт округув онтырсат талэ төвлыс. Ты кастыл Ханты-Мансийск үст махум янытлавёсыт.

Хаштәл коронавирус-агм пусмалтым округув пүльницатыт сәв ләккарыт рүпитэгыт. Россия Президентув төва хөтпат янытлан нэпакытыл ос мағылн тагатап пөсытыл кәтсанэ. Тән халанылт кит ләккарыг Николай Пирогов намыл маим мағылн тагатап пөсыл мүйлуптавёсыт.

Округу овыл губернато-

рыг олум хум Александр Филипенко тыт олнэ мирн ос янытлан ләтың кәтыс. Тав потре округу кұщай нэ Наталья Комарова ловиньтастэ, хум хансыс: «Лүимәт тәксар, ёр ос элумхөлас нупыл сымың махум олэгыт. Кәсың хөтпан пус кәт, пус ләгыл ләвөгум».

Ты юи-пәлт Наталья Комарова махум яныт-

ласанэ. «Почётная грамота» янытлан нэпакыл округ Дума кұщай хум Борис Хохряков мүйлуптавёс. Тав мән мәвт пуссын аквёет атпан нупыл ат тал рүпиты. Тыгыл хус тал ма щунит кинсым геологыг рүпитас, вәт нупыл ат тал ос политикат рүпиты.

«Почётная грамота» нэпакыл Белоярский район кұщай хум Сергей Маненков мүйлуптавёс. Хум тот 2005 тал пәсныл кұщайг олы. Тав политикат пуссын аквёет налыман нупыл акв тал рүпиты.

Тувыл элумхөласытн сәвсыр тәлат щирыл нәтнэ нэ **Наталья Стребкова** ос «Почётная грамота» нэпакыл майвёс. Ты нэ рүпататэ хосыт сәв хөтпатн нётыс.

Сосса мир олнэ-хүлнэ накыт элалэ тотнэ вәрмәль щирыл ос мәнщи нэ **Альбина Станиславец** янытлавёс. Нәквё округ губернатор «Премиял» майвёс. Тав Ханты-Мансийск үс колледжит

сәв тал рүпиты. Тот рүпитанэтэ сыс мәнщи ләтңыл сәв ханищтахтын нэпакыт хансыс ос тәратас, тиймәгыс тав яныг кұщайн ты янытлавёс.

Тувыл «Материнская слава» мағылн тагатап пөсыл Ханты-Мансийск үст олнэ кит нэг янытлавёсыт. Ты **Елена Конева** ос **Тодо Тиберия**, кәсыңе ат няврам янмалты. Ты колтәгылт няврамыт юртыңыщ олэгыт, халанылт акваг нәтхатэгыт.

«Почётный гражданин ХМАО – Югры» намыл округ Дума кұщай хум **Борис Хохряков** ос Белоярский район кұщай хум **Сергей Маненков** майвёсыт.

Наталья Комарова ты махум пуссын янытласанэ ос ләвыс: «Нән мән округув магыс сака эрнэ рүпата вәрегын. Яныг пүмащипа нәнәп ләвөгум, рүпатанын элалэ аквтох мұсхал щирыл вос мины».

Николай МЕРОВ



А.Р. Станиславец янытлавёс

Хөнтаң район олупсатэ хумус мины

Тынакт газета вәрнэ махманув Кондинский район мирколт рүпитан хөтпат палт ләтың кәтсыт, китыглахтасыт, тот ань махум хумус олэгыт, яласан ләңханыл вәрвёс ман әти, тәнүт ос тәрпи аман оныщэгыт.

Тувыл ювле ләтың әхтыс, нән ань элалэ ты урыл ловиньтән:

– Тув палыт район янытыл олнэ пәвлыт халт «Заря» нампа нәиңхәп яласы. Хөт я сака төсам, пәвлыт мус вертолёт тыламләлы. Кәсың пәвылн 2020 тәлт сүкыр ос мән таквс этпосыг тәнүт сөпасыг тотвёс, ань ләхтәл порат махум тәтәл ул вос савалэгыт. Пүльницат

нәйвыл щәпитавёсыт, төва кұрыт сәмыл әхвтасыл пәлтыглавёт, та утыт ос хоты мән эри, тотвёсыт.

Округу мирколт пәлыл ләтңыл вәтихал кәтыглавёв, ань район янытыл олнэ махманувн газета, рәтива ос телевизор хосыт акваг вос потыртэв – тән үргалахтым вос олэгыт, әгмың элумхөлас юн вос олы, вос пусмалтахты.

Кәсың ләпкат тәнүт

вос олы, пүльницат тәрпи ул вос холы. Хөтпа юн рүпиты те, мирың мәт сака ул вос яласы, рүпататэ юил вос вәритэ.

Район янытыл 7 ФАП (фельдшерско-акушерский пункт) рүпиты – Лиственичный, Ягодный, Шугур, Ямки, Юмас, Алтай ос Кама пәвлытт. Акв здравпункт Дальний пәвылт ұнлы.

Аптекагыт маскат, тулөвлың пәссат ос кәт ловтнэ ищпиртың вит, пуссын олы. Әгмыл ёмтум хөтпа урыл аква тәра округу пусмалтан департамент колн ләтың кәтэв.

Ищхыпың ут 12 пәвлытт вәрвёс.

Ань тыхөтал мус хұрум пәвлытт ищхыпың ут вәруңквё иң ат та вәрмаве – Никулинка, Ильичевка ос Шугур пәвлытт. Тот сәв хөтпа ат олы, сәвыңпәлэ яныгнүв пәвлытн вәнтлысыт.

Тыгыл элалэ район няврамыт ищхыпың ут хосыт ханищтахтуңквё ләвавет те, ань тай ты тәла тәра-паттыслүв, тох ханищтахтуңквё вәрмёгыт, округт олнэ няврамытныл юв ат хулытэгыт.

**Ляххал
мәнщи ләтңыг
Светлана
РОМБАНДЕЕВА
толмәщләстэ**

Элы мāt лēккарыт рӯпитан мāгыс Эрнэ мāшинат ёвтвёсыт

Луй мāv янытыл тōва пāvлыт мус минуңкве сака рӯпатаң. Центр профессиональной патологии колт рӯпитан лēккарыт Элын ѓлнэ мāхум урыл акваг номёгыт.

Хумус тāнаныл пус-малтаңкве, ѓлнэ мāнаныл мус манарыл яласаңкве, та маныр. Мāнь пāvлыт халт тэлы яласан мāгыс Эрнэ мāшинат ёвтвёсыт, тув палыт ос «Николай Пирогов» нāиңхāп яласы.

Хоса мāt ѓлнэ пāvлыт мус кāсың машина ми-

нуңкве хунь вёрми. Сака яныг манос хоса мāшинат вёрың мāt ёл-тагапёгыт. Тувыл мāн лēккаранув Саратов уст ѓлнэ ЗАО «Радиянт» колн кит сака ёмас мāшинаг вāрылта-сыт.

Тамле мāшина сака яныг āти, пōсме палт кол-

хусап ѓлтым ѓлы, руш щирыл прицепыг лāваве. Центр профилактики колт пуңктотнэ лēккар Николай Ташланов тох лāвыс: «Кāсың мāшина колхусап ѓныщи, тот акв-торыг сāt лēккар рӯпи-таңкве вёрмёгыт. Ищ-хйпың утыт, пусмалтан аппаратыт ос тэрпит пуссын тув лāпёгыт».

Тамле мāшина мāнь пāvылн ёхты те, колнакт кāсың хōтпа алпитэ уральтаңкве ос пусмал-

таңкве вёрмаве. Тйвре рёгың, нāйпос ѓныщи. Лēккар хум лāвыс, ты мāшинаг мощёртн мāнь пāvлыт халт яласаңкве патёг, Элынт ѓлнэ мāхум урхатым вос ѓлэгыт.

Пётр Молданов
потре мāньщи
лātныг **Светлана**
РОМБАНДЕЕВА
толмашластэ

Тāl сыс вāрум рӯпатаныл

Борис Сергеевич Хохряков сāv тāl округ Дума кӯцаиг рӯпиты. Мāн мāvт ѓлнэ тав яныг намыл майвес – «Почетный житель ХМАО-Югры».

Вāt сāграпнал Этпос юи-ѓвил хōталэт тав мāн мāvт ѓлнэ мирн потыртас – та ювле хультам тāl сыс манах сākкон тāн пирмайтасыт, хумус мирн нётсыт.

Ты яныг кӯщай ѓйка лāвыс, тārвитың āгм ѓвылтахтаме пāsныл тāн ѓс йильпи щирыл рӯпи-таңкве патсыт. Матхурип компьютер йильпи програмал вāрвёсыт, ань та ищхйпың утн акван-ѓлт-вёсыт, ос тина суснэ то-тапн сунсым, халаныл потыртэгыт, сапрāнияныл пуссын тох та вāрияныл.

Та тāl сыс тāн титхуй-плов щёс акван-атхатыг-ласыт, ос аквтысāвит округ дума сапрāни та вāрыгласыт. Ниласātтем сāvсыр хултаң лāтың сāk-конытн хассыт, яныгсāt на-лыман сākконыт йильпи щирыл хассаныл.

Щар мāk яныг округ сākкон – ты ѓлнэ мāv бюджет-олнанэ. Мāн округувн манасāвит олн Эри ос манах олн холтуң-кве рōви, тот пуссын хан-сым ѓлы. Ты йильпи 2021 тāлт кӯцаит 12 млрд сол-кōви ос тыгыл сāvнув хол-туңкв вёрмёгыт. Ты олныт пуссын мирн нётнэ мāгыс тах мивет.

Лēккарытн нётэгыт

Мирн пёриим депутат-хōтпат сākконыт хаснэ-ныл коныпал мāхумн сāv нётсыт. Тāн ань тāнти усанылт ѓлэгыт ос тот рӯпитэгыт. Кāсыңаныл тāнти ѓлнэ мāнылт во-лонтерский центр-колыт вāрсыт.

Тув сāv хōтпат хасха-тасыт, тāн сāvсыр мāt рӯпитэгыт ос Эрнэ порат хунь вōвавет, леккарытн

ос яныгпāла хōтпатн кā-сашим нётэгыт. Тāнанылн тэнут ос тэрпи юв тотэгыт.

Лēккарытн сāv нётмил вārёгыт – рӯпатаныл юи-пāлт юв тотыглыяныл, тās тэнутыл щёпитыяныл. Тāн мāгысыланыл тулёвлың пāсса ос вильтын маснэ тōр-лōмтыт-маскат ёвт-сыт. Нётмил вārнэ волон-тер-хōтпат сāv ёмас рӯ-пата вārёгыт. Тāн пуссын округ депутат пāлыл рӯ-питэгыт.

Мир пусмалтан мāгыс сāv олн миве

2021 тāлт мир пусмал-тан мāгыс кӯцаит ѓс сāv олн мыгыт, ты тэлат пус-сын округ сākконын хас-вёсыт. Ань здравоохран-ение мāгыс 11 млрд солкōви тув ловиньтавес: 6 млрд солкōви – округ мирколныл миве, 5 млрд солкōви – федеральный бюджетныл. Ты олн-капаит тāl сыс тах холтавет.

Йильпи тārвитың āгм ёл-пѓилттан мāгыс, мир пусмалтан ос пӯльницат Эрнэ щирыл щёпитан

мāгыс ань сāv олн Эри. Коронавирус пусмалтан лēккарыт ос пӯльницат рӯпитан мōт мāхум сāv-нув олныл ойтавет, тэрпи сāv ёвтаве. Яныгыц олныт тув та минэгыт.

Щёлың мāхумныл сāvнув олн юв-пувуңкв патаве

Ты Дума сапрāниятэ ѓлме порат депутатыт тамле сākкон пирмайтасыт. Хотьют 5 млн арыг-тем солкōви тāl сыс сэлы, тāн сāvнув нāлок-олн ой-туңкв патэгыт.

Мāн пуссын 13% сāvит нāлок ойтэв, ос щёлың хōт-паныл 15% сāvит нāлок-олн юв-пувуңкв патаве. Кӯцаит ловиньтасаныл, ты олн атуңкв хунь патаве, акв тāl сыс матах млрд солкōви тах атэгыт. Ты олныт тārвитың āгм ѓщнэ нāврамаквет пусмалтан мāгыс холтавет.

Тамле ты Эрнэ сākко-ныт депутатыт тāl сыс пирмайтасыт.

Валентина ХОЗУМОВА

Тән мирн нётэгыт

Ты тәл օвылтахтаме кастыл мән сосса мӕхманув янытлыянүв ос сымн рօвнэ лӕтңыл пуссын лӕвиянүв. Та оигпам тӕлув кӕсың хօтпан маткем тӕрвит тотыс ман ӕти, ань пуссын тӕрвитаныл ювле вос хулытэгыт Мӕхманув ӕлалы щуниңыг вос օлӕгыт.

Ты ӕтпос хӕрумхуй-плов хօталӕт печать колт рӕпитан ос лӕххал тотнэ мӕхум янытлан ялпың хօталыг օлы. Ювле хулытум тӕлт мӕн коронавирус ӕгм паттат хотталы ялуңкве сака ат вӕрмысӕв.

Тӕванакт ищхйпың ут хосыт мӕхманув ӕт потыртасӕв манос тӕнки мӕнавн лӕххал кӕтыгласыт. Ань мӕнӕщи газетан нӕтмил вӕрнэ мӕнӕщи хօтпанувн пӕмашипа лӕтың кӕтӕв. Тӕн сӕвсыр ӕмас тӕлатыл мӕхманув пӕмшӕлаласаныл, тӕва тӕлат ӕтыл ущ хунтамласанүв ос газетан хансыгласанүв.

Мӕнӕщи хум урыл

Ань ты мӕнӕщиянүв урыл ущты хансӕв ос тӕнаныл йильпи тӕлыл янытлыянүв. Мӕлты тӕл яныг таквс ӕтпост Хулюм-сӕнт пӕвилныл Ханты-Мансийск ӕсн Николай

Тимофеевич Пеликов, сӕңквилтапыл мӕщтырыг сӕңквилтан хум, ӕхталас.

Тав «Лылың союм» нӕврамыт ханищтан колн вӕвиньтӕлвес ос тав тот ӕгирищит-пыгрищит сӕңквилтанкве ханищтасанӕ. Николай Тимофеевич Пеликов Свердловский область Кӕрасколыңья пӕвилт лӕсум мӕнӕщиянүв халт օлы.

Та ӕрт օлнэ мӕхманув пӕс тӕнаныл мӕнӕтӕгыл օпатӕныл хӕнтлыс, ань тӕнаныл номим сӕңквилтасанӕ. օйка такви օс щӕгтым օлы, пӕс накыт мӕнӕлат хօтпатн ӕлалы ань тотавет.

Нӕх-патум мӕнӕщи нӕ

2020 тӕлт «Лылың союм» этнокультурно-образовательный колт рӕпитан нӕ Раиса Мартыновна Гаврильчик щӕн лӕтың ханищтан хօтпат



Н.Т. Пеликов ос В.С. Меров

халт округут касыс ос нӕх-патыс.

Тав вӕт сӕграпнал ӕтпост Москва ӕсн ӕлалы касуңкве вӕвиньтӕлвес. Тот тӕнки щӕн лӕтңытыл вӕт каснэ хօтпат халт «Учитель языков коренных малочисленных народов РФ» нампа янас вӕрум номинацият нӕх-патыс ос мӕйлупсал майвес.

Мӕщтыр нӕг урыл

Белоярский ӕст Оксана Васильевна Сидак օлы, ты мӕнӕщи нӕ сӕвсыр тӕлат вӕруңкве ӕлыми. «Югра лылыӕп» օбщественный организацият

нӕтмил вӕрум тӕлат коньпал тав ялпыңкол пӕлыл нӕтмил рӕпата вӕри. Ты организацият акван-атхатыглан нӕ хօтпат яныг щӕмьятн ос нусаг օлнэ мӕхумн нӕтӕгыт.

Тӕнки ос матыр-ӕти кӕтыл вӕрӕгыт ос савалап нӕврамытн мӕйлуптыяныл. Йильпи тӕл кастыл тӕн ховтын тагатан хорамыт вӕрсыт, кампӕткат ӕвсыт, тувыл та хораманыл ӕт нӕврамытн юв тотсаныл.

Оксана мӕт нӕтмил вӕрум тӕлат урыл օс потыртас. Пӕльницат акв мӕнӕлат нӕ юртың нӕврамыңыг ӕмтыс. Тавӕн нӕврамаге янмалтанкве сака тӕрвит օлыс. Тӕнт Оксана сосса нӕквет палт лӕтың кӕтыс. Александра Сергеевна Лельхова, ханты нӕ, тавӕн тӕра нӕтуңкве лӕвхатас, кит хургыгн сӕв ӕмас маснутыт атыс ос та нӕквен мисанӕ.

Мӕн таи лӕвуңкве таңхӕв, нӕнки халынт акван-нӕтхатым, юртыңыщ օлӕн. Йильпи тӕлт тӕлан ӕмшӕкв ӕлалы вос минӕгыт, нӕмат лӕль накыт ул вос ӕмталӕгыт, пус кӕт, пус лӕгыл нӕнан, Тӕрум ӕт, Отыр ӕт օлӕн !



О.В. Сидак



А.С. Лельхова

Тамара МЕРОВА

Кимкъясүй мәхум ищхйпың ут тәл

Хальүс район Кимкъясүй пәвилт өлнә мир акв тәрвитың вәрмалъ ань бнщдәгыт, тән интернет ос сотовый связь тәл бләгыт. 2019 тәлт Хальүс район Саранпәвил, Кульпас, Лөпмус, Хулкомсүнт, Няхщамвөль пәвилтт мус кәрквәлыт хартвәсыт ос ты ищхйпың утыл вәрвәсыт.

Кимкъясүй пөхыт үнлы, тыимәгсыл пәвлың мәхум интернет тәл хулытсыт. Мөлты тәл туяг ныврамыт кит этпос сьс юн ханищтавәсыт. Ты мән пәвилктв өлнә ныврамыт мұсхалыг ханищтахтүнкве тонт аты вәрмысыт.

Та пәвилт ань мән школа-сад рүпиты. Ань ты ханищтахтын кол Саранпәвил школа нупыл хасвес. Юи-өвил тәлыт Кимкъясүй пәвилт акваг сәв ныврам самын паты, ань школат 15 агирищ ос пыгрищ ханищтахтәгыт ос 14 ныврамаквет садикн әхталәгыт. 5-11 классытын ялантан ағит ос пыгыт Кульпас пәвилт ханищтахтәгыт ос интернатыт тот бләгыт.

Күщай хумн пищма хассүв

Мән, газетат рүпитан

мәхум, ты тәрвитың вәрмалъ урыл Хальүс районный миркол күщайн Владимир Иванович Фомин нупыл пишма хансыгласүв ос Кимкъясүй пәвилт өлнә мәхум интернетыт ос связил хунь вәравет, та урыл китыглахтаслүв.

Күщай хум ювле хансыс, Кимкъясүй пәвилт пөхыт үнлы, ты рүпата мәгсыл сака сәв олн әрмыгы, тот мощца мәхум өлы, тыимәгсыл кәрквәлыт тув хартуңкве тән ат патәгыт.

Пәвилт өлнә щәмьят спутниковый интернет әвтуңкве ань вәрмәгыт. Ты ищхйпың ут рүпитан мәгсыл өвләт тәнанылн оборудование әвтуңкве ос ты юи-пәлт заявка-нәпак хансуңкве әри.

Күщай хум хансыс, «Информационная инфраструктура» ос «Цифровая экономика» нампа



А. Моина кетум хурит

Кимкъясүй пәвилт ныврамыт

программаг хосыт 2020 тәлт Кимкъясүй пәвилт рүпитан нәй харыгтан кол ищхйпың утыл вәрвес. Тот интернет «Ростелеком» пәлныл ань рүпиты. 2021 тәл сьс акв тамле ут пүльницат ос школат рүпитаңкве тах өвилтахты.

Ищхйпың ут сака лөльсаң рүпиты

Ань Кимкъясүй пәвилт өлнә төва щәмьят ищхйпың ут тәнки вәрсыт. Аләна ос Илья Моиныг спутниковый интернет кит тәл ювле хулытум порат әвтсбг. Тән нелолов ныврам янмалтәг, нила школан ос китыг

садыкын ялантәгыт ос кит ныврамагән колледжит ханищтахтәг. Аләна ты вәрмалъ урыл таи потыртас: «Колувт ищхйпың ут вос рүпитас, мән әрнә оборудование әвтсүв, тонт 21 сөтыра солкөви ойтсүв. Ос кәсың этпос акваг сөтыра 700 солкөви «абонентский плата» ләвнә олныт ойтсүв.

Кит тәл әмашакв өлыс, тувыл хотмусыг өмтыс, лөльсаң рүпитаңкве патыс. Тонт ләввесүв, мөт оборудование әвтуңкве әри. Мөт ийльпи хусап мәгсыл ат сөтыра ойтсүв, ос ты коньпал кәсың этпос акваг сөтыра 500 солкөви ойтәв.



С.В. Лыткин



Кимкъясүй пәвилт өлнә мир

Өлэгүм



А.А. Мони́на

Ань ты йильпи хусап мұсхалыг Өс ат рүпиты, нэматыр вәруңкве ат вөрмөв. Яныг әгимән ос яныг пыгмән школа асламән юи-пәлт элалъ хаништахтуңкве ми́насыг.

Валя Ханты-Мансийск үст технолого-педагогический колледжит нилыт курсыт хаништахты. Андрей Белоярский үст политехнический колледжит хұрмит курсыт хаништахты.

Таквсы, хунь студентыт пуссын юв кетвёсыт, тән Өс юв ёхтысыг. Тувыл ищхыпың утув люльсаң рүпиты, әгимән практика щирыл рүпитанкве аты вөрмыс. Тыимәгсыл Хулюмсүнт пәвылн рүтанув палт кётыслумән, тот хаништахтас ос практикатә вәрыстә.

Пыгмән юн хультыс, тувыл ищхыпың утув сака хоса ат рүпитас, тав кәсың хөтал сәв заданиял кетвес. Ань акваг үнлы ос матыр вәри. Нявраманум ләвөгит, ты ут йти ёмаснувөг рүпиты. Амки рүпатам щирыл нәпаканум кетуңкве эрыс, йти квәлсум, эт сыс үнлысум, нәпаканум кетуңкве аты вөрмысанум.

Мән «Ростелеком» пәлныл интернет утыл вәруңкве ань ләвавөв. Хұрмит йильпи хусап мәннавн ёвтуңкве тах эри.

Тувыл ёмашакв рүпитаңкве паты, мән ати, аты вәглюв.

Няврамыт акваг тох ань хаништахтәгыт, тыимәгсыл мәннавн ты ищхыпың ут сака эри. Мән Өйкамәнтыл сас рүпиты мән, тувыл акваг йильпи хусапыт, сәвсыр кёрквәлгыт ёвтуңкве Өс ат вөрмимән.

Пәвлувт сәв мәхум рүпата тәл Өлэгыт, тамле ут ёвтуңкве олн ат Өньщөгит. Кёрквәлгыт пәвлув мус ке хартвёсыт, ёмаснув Өлнув, тонт интернетув ёмашакв ос молях рүпитанүв, ос тыимәгсыл мән тасәвит олн акваг ат ойтнувүв».

Аквта щирыл тах хаништахтәгыт

Студентыт ос төва школат 5-11 классын ялантан няврамыт акваг щирыл тәл котиль этпос 30 хөталә мус юн хаништахтуңкве тах патэгыт. Ты вәрмалъ урыл округ кұщай нә Наталья Комарова мөлты тәл вәт сәграпнал этпос 22 хөталәт распоряжение-нәпак хансыс. Кимкясүй пәвылт Өлнә мәнълат әгит ос пыгыт юн люльсаң рүпитан интернет хосыт элалъ хаништахтуңкве тах та патэгыт.

Людмила ТЕТКИНА

Әги

Нярен атыр хөталакем
Рәңнын нәй постақвел
Тапыл та келәялы.
Элы (а) ур хоса мәквет,
Востәл (а) төр
Сәңквыг та
ёмтыгләлэгыт.

Пәвлың (а) үс Өвыл кәмт
Сатум этә риньхатәлы.
Эти суртгын совытаквөл,
Әвиң (а) кол йснасаквел
Эла та постыгләгыт.

Марщум хөтал
марщум номтын
Амкинакем ат тәлыгылум,
Лүпта пум атың витыл
Амкинакем щөпитылум.

Лентаң төр сәлитакве
Сәгрищагум нөх-
сагумтәгум.
Сәт палтльпиң хартым
төр

Нөңхакве
пинумталәлум.
Товлың (а) үй хуриң
төркем
Нөхкве пинумтәлылум,
Нөтнә акань хуриң нәг
Ам Өс масапахтәгум.

Кәса тотнә тәглың колна
Әги Өс ялыгылкема.

Тот састума колканкөтә
Нортым пәртә ёңхилува,
Ләглюв рөвил мәщтыр
ййквыл

Пуссын Өс ййквыгләләва.
Кәса тотнә тәглың
колныл
Нотум яныт сәв нәкем ёт
Юв Өс ёмыгләләва.

Әги, әги, әги,
Әги Өс Өлыгламкем.
Пәлэ тотнә кәстакве
Ам нә та кинсыгылкема (а).

Пыгын

Ты пәвлың (а) үс
Өвылквәна
Әгиң (а) кол
сунсыглаңквен,
Юртың (а) кол әрталаңкве
Пыгын та-пыл
ёхтыгләлум.
Пыгын!
Пыгын та-пыл
карсатәгы.

Нотән Өлнә ёмас юртә
Пыгын кинсыгләлыгытә!
Ты суснәкәм щиртаквел
Ты эргашнәкем щиртаквел
Төре пинум сәвен нәкем
Пуссын та
воратәлыгләгыт!

Пыгын!
Пыгын та-пыл ёхталәлум!
Ань ты үнлын сәв
рум-өйкам
Савалапыл патыглаңкве!

Төрүм Өлнә ёмас юртә
Пыгын нявлантәлымет!
Рүтән Өлнә щуниң колкве

Пыгын
щалтантәлыгләлы!
Рүтән мүйлын сәвен
хөтал
Пыгын вәрыгләлы!

Пыгын!
Пыгын та-пыл карсатәлум
Ань ты пәвыл тәгыл
рума-эквам
Ань эквага патталаңкве!
Ань ты пәвыл тәгыл
рума-өйкал
Өпаришиг вәрыглаңкве!

Пыгын!
Пыгын та-пыл ёхталәлум!
Ты әгикве мә сәвен
няхщам

Таи пуссын
тотыгләлыяанум!
Пыгын пити тоты, тоты
Әги тоты, питигләлы!

П. Шешкин хансум эргыг

Маньщи мирув няврамытн янытлаве

Йильпи тал та ёхтыс. Ятил маньщи мир, округт блнэ махум, нананн Саранпавыл няврамыт сав ёмас, сымың латың кётэгыт. Касың хётпа пус кат, пус лагыл вос блы, агиришит-пыгришит щань латың вос хаништэгыт, танти мираныл вос янытлыяныл, пёс йис блупса вос пумцалыяныл.



Хурит пёслын агиришит

Ты ос маньщи агиришиг – ягагииг, Виолетта ос Юля Ивановыг, ос тэн юртагитэн Радмила Ефременко. Виолетта 7 талэ, 1 классыт хаништахты. Лави, азбука сака эруптытэ, школат букват ваңкв патыс, ловиньтаңкве ханьшувлас. Няврамыт центрын яланты, тот катыл хурит пёслы, ййкви ос эрги.

Юля 12 талэ төвлыс, 6 классыт хаништахты. Литература, математика ос биология урокыт сака эруптыянэ. Школа юи-палт теннисыл ёнгасы, катыл савсыр хурит пёслы. Виолетта ос Юля ома тэн Татьяна Васильевна, аятятэн Дмитрий Николаевич. Агиришиг канк ос апши ёныщёг, Павлик ос Эдик.

Радмила 3 классыт хаништахты, аэробика вэрнэ тэла палт яланты, музыкальный школат эрги.



Яныг колтаглыт яныгми

Коля Лелятов 11 талэ, 5 классыт хаништахты. Колтагланылт тән ат ягыг яныгмёгыт. Оманыл Таисия Савельевна, атяныл Георгий Алексеевич. Коля лави, маньщи латың урок сака эруптытэ, школат щань латың ханищты. Тав акве Светлана Савельевна Мерова маньщи латың учителиг блы. Анёкватэ юн акваг маньщи латңыл потырты. Тынакт Коля щащёкватэ Ольга Владимировна Лелятова атимыг ёмтыс, тав садикыт рупитас, мань няврамыт щань латңыл потыртаңкве хаништасанэ.



Юртагиришиг

Ты хурит юртагииг пёслым блёг – Ксения Таратова ос Кристина Лончакова. Ксения 13 талэ төвлыс, 7 классыт хаништахты. Технология урок сака эруптытэ, тот катыл матыр-ати щаквщёгыт, юнсахтуңкве ос тэнут пайтуңкве хаништахтэгыт. Лави, ищхйпың ут хосыт хаништахтуңкве сака люль, юртагиянэ ёт школан ялантаңкве таңхёгыт. Тав классэт 21 няврам хаништахты. Ксения ома тэ Елена Николаевна, аятят Альберт Владимирович. Ййгрищ ёныщи, наме Аня.

Китыт агириш Кристина ос 13 талэ, 7 классыт хаништахты. Сат тал яныт апшириш ёныщи, наме Юра. Ома тэн Надежда Калистратова.

Юртагиришиг лавёг, «Лүима сэрпос» маньщи газета тән палтаныл тотыглаве, сунсыглыяныл, омагён-анёкватэ акваг ловиньтэлэгыт.



Анёкватэ ёт маныщи латың ханищты

Ты агирищ наме Даша Канева, 7 тәлә, 1 классыт ханищтахты. Школа юи-пәлт тав ййквунқве яланты, кәтыл хурит пәслы. Ома тә Татьяна Игоревна, а тятә Леонид Николаевич. Агирищ увщи ос апищи бныщи – Арина 6 классыт ханищтахты, апищитә Артём кит тәлә төвлыс. Даша анёкватэ-ащдйкаге Кульпаст өлғ. Анёкватэ Наталья Борисовна Дудорева сака мәщтыр нэ, кәтыл матыр-әти щаквщи – юнсахты, сакныл сәвсыр пормасыт, мәгылн тагатан хорамыт харты. Апыгрищанэ ёт маныщи ләтңыл потырты.



Кәтыл щаквщи

Аня Таратова 9 тәлә төвлыс, 3 классыт ханищтахты. Маныщи ос рущ латың урокыг сака эруптыяге. Сәвсыр кружокытын яланты, тот кәтыл матыр-әти щаквщи. Ома тә Елена Николаевна, а тятә Альберт Владимирович. Анёкватэ Вера Ивановна Тихонова маныщи супыт юнты, сәвсыр пормасыт мәщтырлы. Юн щәнә ләтңыл потырты, апыгрищанэ ханищтыянэ.



Тав мяхманэ сәлы үрим яласэгыт

Ты хурит саран агирищ Маша Филиппова пәслым блы, тав школат ханищтахты. Ома тә Марина, а тятә Алексей. Щащёкватэ Ульяна Николаевна Филиппова ос бпатэ сәв тәл нёрт сәлы үрим яласасыг.



Ялпыңколн ялантан агирищит

Ты хурум агирищит Ульяна Хантанзеева, Аня Петрова ос Даша Зайкина ялпыңколн ялантэгыт. Тот эргёгыт, кәтыл матыр мәщтырлэгыт, хурит пәслэгыт. Даша ләңханьщапыт суй вәруңкве хәсы. Ялпың хөталыт порат ялпыңколн ялантәлы, кон хурум ләңханьщапыт ханэгыт, суй вәрнә мәгыс Даша квәлгыт хасумтәлыянэ. Агирищ 12 тәлә, 6 классыт ханищтахты.

Ты ятил ныврамаквет пустәгыл вос яныгмёгыт оманылн-әтянылн вос нётэгыт, ёмашакв вос ханищтахтэгыт.

Светлана РОМБАНДЕЕВА

Матъёмас тәнки рүпатаныл урыл потраныл ловиньтасыт



Агирициг мәщтырлэг



Н. Тасманова кетум хуриг

Т.А. Головина пыг ханищты

Хальүс район Хулюмсүнт павылт округув 90 тәлэ төвлум кастыл «От ремесла к искусству» нампа конференция нъяврамыт мәгсыл рүпитас. Ты вәрмалъ Хулюмсүнт павыл искусство школат рүпитан нэ Надежда Константиновна Маслова нъяврамыт мәгыс вәрыглас.

Нъяврамыт мәньщи ос мот мирыт пәс йис вәрмалъяныл урыл сәвнүв вос вәгыт, тамле конференция кәсың тәл та павылт щәпитәлаве. Тонт тәнки потраныл ловиньтаңкве онтолов нъяврам акванатхатыгласыт. Жюри-хотпаг искусство школат кұщай нэ Ольга Владимировна Ручей ос Хулюм-

сүнт школат нъяврамыт ханищтан нэ Татьяна Андреевна Головина өлсйг.

Өвлэт агит ос пыгыт тәнки хансум потраныл ловиньтасыт. Тән Хулюмсүнт павылт өлнэ мәщтыр мәхум, мәньщи пәс йис вәрмалъяныл, ялпың хоталаныл, мә-витүргалантәла ос сәв мот пұмаш вәрмалит урыл потыртасыт. Ты юи-пәлт нъяврамыт сәвсыр щирыл мәщтырлаң-

кве патсыт.

Нъяврамытын доклад-нэпакытхансүңкве ханищтан хотпат нётсыт. Мөлты тәл «Сөрни юнтуп» нампа организация Хулюмсүнт павылт вәрвес. Ань мәхум юнхатуңкве, сакныл хорамыт хартуңкве ос сәв мот щирыл мәщтырлаңкве тот акван-атхатыг-лэгыт. Ты мәщтыр мәхум нъяврамытын докладыт хансүңкве өс нётсыт.

Конференция оигпан элы-пәлт нъяврамыт пуссын янытлавёсыт ос мүйлупсал мүйлуптавёсыт. Ханищтан хотпат диплом-нэпакыл майвёсыт.

Округув янытлан хотал кастыл Хулюмсүнт павылт суссылтапыт рүпитасыт. Тот мәньщи нэ Надежда Константиновна Маслова такви вәрүм рүпатанэ суссылтасанэ. Ты нётнэ аныщарыт тав пуссын пәс пормасытныл вәрсанэ. Аквта порат Геннадий Степанович Райшев кәтыл пәслум хуриянэ ос пәвлың мәхум пәслум хурияныл выставкат суссылтавёсыт.

Людмила ТЕТКИНА



Потрыт ловиньтам ос мәщтырлам нъяврамыт ёт Н.К. Тасманова ос Н.К. Маслова лёлгә

Потрыт ос стихыт хаснэ хум

Ханты хум Вячеслав Юрьевич Кондин Ханты-Мансийск үст блы, «Төрүм Маа» этнографический музей отделт заведующи рүпиты. Тынакт хум руц ләтңыл потрыт ос стихыт хасме мәгыс янытлавес.

Түяг яныг хөнт оиг-паме пәсныл 75 тәл төвлыс, Вячеслав Юрьевич ты кастыл стихыт хансыс. Стиханэт хөнтлум сосса мәхум янытлыяна, ұлылыяна, тот патум мир кәстыяна. «Живой» намба стихотворениятэт та урыл хансыс, хумус ома сәв тәл яныг хөнтыл пыге үритә.

«Герои Великой Победы – 2020» литературный конкурс вәрнэ хөтпат таве янытласаныл, хансум стиханэ сака мұстысыт. Тувыл тән ләтың кәтсыт, Вячеслав Юрьевич наме конкурсыт нөх-патум хөтпат халн хансыма.

«Югра. Это моя земля» намба китыт литературный конкурс Вячеслав

Юрьевич «Как звери спасли Вороний день» потре нөх-патыс. Хум өлнэ мәтэ сака эруптытә, вөре-витэ янытлытә. Тав потре щирыл, ләгтәл ләңын Фрося, Валера намба коцар ос Юви охсар «Төрүм Маа» музейт өлэгыт, өлнэ мәныл үргәлыяныл, тән пуссын аквәт Уринэква хөтал хот-вуян-тасаныл.

Ты китыт конкурс округув 90 тәл кастыл вәрыглавес. Жюри хөтпаты мәхум өлсыт: Максим Замшев, Ирина Пудова, Андрей Сулейков, Еремей Айпин, Елена Исламуратова, Мария Волдина, Владимир Меркушев ос Евдокия Нёмысова.



В.Ю. Кондин

Нөх-патум хөтпат потраныл тах пуссын акванатавет, хуритыл пөславет ос нөпакыг вәравет. Тувыл ищхыпың утын хансавет, тот ловиньтаңкве өс рөви.

Вячеслав Юрьевич әгыпыг янмалты, нъявраманэ мәньщи ос ханты ләтың мощ хүлэгыт. Ома тә Любость Иосифовна пүркит, совья вәит нъявраманэ мәгыс юнты. Тав сәлың-колт яныгмас, ханты мир өлупса ёмащакв вәгтә,

пыгән матыр вәрнэ порат акваг нёты, хөт эри – хулытгылахты.

Матьёмас ты сосса хум такви мәхманэ янытлыяна, тән вәрум тәланыл номим бньщияна. Вячеслав Юрьевичин мән сәв ёмас, сымың ләтың ләвёв. Пус кәт, пус ләгыл вос блы, өс сәв пұмыщ потрыт вос хансы.

Светлана РОМБАНДЕЕВА

Эква 80 тәлэ төвлыс

Яныгпәла ханты эква Мария Гавриловна Хохлянкина вәт сәграпнал этпост 80 тәлэ төвлыс.

Мария Гавриловна Нижневартковский район Корлики пәвылт самын патыс. Округ мәгыс тав сәв ёмас тәла вәрыс – школат нъяврамыт ханищтым сәв тәл рүпитас, мәнь нъяврамыт воспитателиг өлыс, тувыл пәнсиян миннәт мус Корлики пәвыл садикт пуңкотыс.

Ты ялпың хөталт Эква Нижневартковский район миркол кұщайн Б.А. Саломатин бйкан янытлавес, пәвыл миркол пәлыл сәв ёмас ләтңыл ләввес,

мәгылн тагатан пөсыл майвес.

Мән, «Лүймә сәрипос» ос «Ханты ясаң» газетаг вәрнэ мәхум, Мария Гавриловнан 80 тәлэ төвлуме кастыл ос округув 90 тәл кастыл пұстәгыл өлнэ ләтың ләвёв! Эква сәв тәл пус кәт, пус ләгыл вос блы, ханищтам нъявраманән вос янытлаве, ляпа мәхманән, рүпатән вос нётаве!

Светлана МАТВЕЕВА



М.Г. Хохлянкина

«Стойбище нупыл миннэ лёңх» нампа нэпак мультикыг суснэ щирыл щёпитавес

Яныг усувт «Торум Маа» нампа музейт ищхйпың ут хосыт акв йильпи проект урыл потыртасыт, тав «Стойбище нупыл миннэ лёңх» лăваве.

Кўшаиг блнэ нэ Людмила Алфёрова таи лăвыс, 2020 талт тән сыресыр номтаныл ёмас тэлаг вăрсаныл, ос мăхум ёт мот щирыл акван-хонт-хатыглалсыт. Тох йильпи щирыл вăрум рўпатанылт сав пумыщ накыт вăруңкве алымасыт.

Та щирыл тән ищхйпың интерактивный карта щёпитасыт, акватэт венгр учёный Антали Регули бвылтыт потыртэгыт ос хуриянэ суссылтэгыт, мотанэт мирыт ханищтам советский учёный Валерий Чернецов урыл блы. Ань ты учёныг вăрум рўпатанэн кастыл мă нытыл блнэ мирыт мән сасса мăхум пёс блупсав бвылтыт пуссын матыр-ати вăгыт.

Тувыл «Обские угры «Фоторетроспектива» проектаныл ос сака сэрь-



Нэпак лăпсэ

ёрыг ос ёмщакв щёпитасаныл.

Ань музейт рўпитан хотпат тал палыт ос акв «Стойбище нупыл миннэ лёңх» нампа нэпак вăрсыт. Таве мультик суснэ щирыл щёпитасаныл. «Ты йильпииг вăрум тэлав ам сымт бньцилум, тыи мăньлат агитн-пыгытн вăрим рўпата. Тувыл тән «Югра лылыёп» общественный организациян нётвёсыт ос культура департамент палыл олныл тастувёсыт», - тох Людмила Алфёрова пумащипа лăтың лăвме порат потыртас.

Акван-нётхатым вăрнэ рўпатаныл

Тувыл культура департаментыт кўшай хум Артур Латыпов потыртас: «Ты проект вăрим мән хўрум кол акван-нётхатым рўпитасу, тыи общественный организация, музей ос мән департаментув. Потрыт ати нас туп ловиньтаңкве ровёгыт, тот ўирищит кăсалаңкве рови, пумыщ мойтыл мойтавён. Ань тасавит ищхйпың утыт квалтапаптувёсыт, тән хосытыл сав матыр пумыщ щёпитаңкве рови. Мән тән хосытанылт, сакати, няврамыт нэпак ловиньтаңкве пумщальянўв. Мăнавн номтың агит-пыгыт мăньтагыл янмалтаңкве эри. Тән



Тыщир сунсуңкв эри

пёс йис накыт вăнэг ос эруптым вос бньщияныл. Тăнаныл мўсхалыг ўргалаңкве патыяныл ке, элаль ос номтың, мўтраң хотпаг блуңкве патэгыт».

Музейт рўпитан хотпат матыр-ати пёс накыт тăра-паттын щирыл ос суссылтап щёпитан коньпал тән аквтох савсыр ханищтапыт вăрыглэгыт. Кос выгув, сыресыр мăщтырлан ханищтапыт ос няврам мăгыс этношколат вăравет.

Хумус ищхйпың утыт кисхатэгыт

Интерактивный нэпак тăратан рўпатаныл бвылтыт Анатолий Брусницин ос Елизавета Тасьманова потыртасыг.

– Ань ты нэпак кăтын винэн порат, мойтыт хансым ўит аквтупмат лылыңыг ёмтэгыт, тән хайтыгтэгыт, потыртэгыт! Ты нэпак «Сказки Торум Маа» щепт бщнэ телефон приложение хосы-

тыл рўпиты. Пуссын тув хансым мойт накыт музейт карс ур мятэт ёмталэгыт.

Нăн ань тув хансым мойтыт мультик хольт сунсуңкве таңхиянбн ке, нăнан эри: щепт бщнэ телефонытн «AppStore» манос «GooglePlay» приложение-лѳпсыг тув тăратаңкве.

Тувыл ты приложение тăратан юи-палт маныр инструкция щирыл вăруңкве эри – таи пуссын вăрён. Телефон камератэ рўпитаңкве бвылтахтынэ порат таве нэпак лялт тактэлбн. Тонт ань нэпак лѳпсын пѳслым ўйхул аквтуп лылыңыг ёмтапи.

Нăн аквтох матхурип хури пѳслуңкве вѳрмегбн, тувыл музей пормасыт нупыл камера такталым ос матыр потрыт хўнтлуңкве рови.

Тох та, сунсэн тах!

Тамара МЕРОВА



Няврамаквет ханищтахтэгыт

Пұмащ урокыл вāрыглавёсыт

Молты тал вāt сāграпнал этпос округув онтырсāt тālэ тōвлыс. Ты кастыл Хālьўс район Хулюмсўнт пāвил школа нила классыт ханищтахтын няврамыт пұмащ урокыл вāрыглавёсыт.

Агиришит ос пыгришит Югра мāv ялпың хōталэ урыл потыртавёсыт. Урок пұмащиг овылтахтас, няврамыт классын хунь щалтсыт, ханищтан нē Валерия Николаевна Кивлева сāңквилтапыл сāңквилтаңкве овылтахтас.

Та хōталт ханищтахтын колнак хорамтавес, ёрнкол тўштувес, «Югра многолика» нампa сусылтап вāрвес, тув мāныщи, ханты ос сараныт ёнгын утаныл акван-атвёсыт.

Ты классыт ханищтахтын агиришит-пыгришит группатыл лāкквaуртвёсыт, кāсың няврам такви мāгсылэ пұмащ

хōнтыс ос тот ёнгасас. Тāн «Щёл» ёнгыл тот ёнгалтавёсыт, пұмщaлавёсыт.

Пёс порат мāньщит, хантыт ос сараныт хумус олыс, няврамыт урок потыртавёсыт. Округувт манхурип герб, гимн оныщи, мāхум мāгсыл манхурип сāкконыт рўпитэгыт, та урыл потыр оc хўнтлысыт.

Тамле урокыт таимāгсыл вāрыглавет, няврамыт мāньтāгыл тāнки оlnэ мāнаныл вос эруптэгыт ос тыт оlnэ мирыт вос янытлэгыт.

Наталья ТАСМАНОВА



Ханищтан нē

Лелятов щёмьят мāхумн пұмащипа лāтың кётсыт

Хālьўс район Саранпāвилт оlnэ хум Георгий Алексеевич Лелятов мāн реакциявн пищма хансыс. Молты тал вāt сāграпнал этпос хўрумхуйпловит хōталэт тав оматэ Ольга Владимировна Лелятова Нягань ўс пўльницат āтимыг ёмтыс. Ты тārвит

нак ёмтум порат Лелятов щёмьян сāv хōтпат хумус вёрмысыт, та щирыл нётсыт. Хум тāнанылн пұмащипа лāтың кётыс:

«Ятил, тының мāхумаквет, мāн щемьявт яныг тārвит нак ёмтыс. Та порат Хālьўс район мирколт, Саранпāвил мирколт,

«Культура колт», «Оленёнок» мāнь няврамыт ўргалан колт рўпитан хōтпат ос мōт сāv вāнэ хōтпанув мāнавн нётмил вārсыт.

Яныг пұмащипа лāтын Государственный Думат рўпитан депутатын Татьяна Степановна Гоголе-

ван лāvёв. Кāсың хōтпан, хотыют мāн ляпавт олыс, пус кāt, пус лāгыл лāтың кётэв. Торум ёт, Отыр ёт сāv тал пұстāгыл элаль оlnэ. Яныг пұмащипа нāнан!»

Георгий ЛЕЛЯТОВ

Лүймә сәрипос
(Северная заря)
№1 (1235), 14.01.2021
Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция
Врио директора, гл. редактор -
Кондина Г.Р.
Телефон (3467) 33-36-82
Заместитель гл. редактора –
Кондина Г.Р.
Телефон (3467) 33-36-82
Ответственный секретарь –
Узель В.В.
Телефон (3467) 33-23-09

Адрес редакции и издателя:
628011, г. Ханты-Мансийск,
ул. Комсомольская, 31
тел./факс (3467) 33-17-52
E-mail: gazeta@khanty-yasang.ru
Газета размещена на сайте
www.khanty-yasang.ru
Отпечатано:
ООО «Новости Югры-
Производство» г. Сургут,
ул. Маяковского, д. 14.

Индексы 04399, 54399
Тираж 1710 экз.
Заказ 35
Цена свободная
Мнение авторов
публикаций не
обязательно отражает
точку зрения редакции.
Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.
Свидетельство
о регистрации
ПИ №ТУ 72-00795
от 23 января 2013 г.

Нэквет ищхйпың ут хосыт ханты суп юнтуңкве ханищтахтасыт

Ань Россия янытыл мир савыңпәлә юн блэгыт, твват тыгле-тувле хұтсын тэла вәрэгыт, твват эрыг хұнтлэгыт ос ййквэгыт. Мән ос, мәщтыр мэхум, юнхатэв.

Тынакт ищхйпың ут хосыт «Ханты ернас» («Ханты суп») нампа ханищтап олыс. Кәтыл матыр-әти щаквцин нэквет пәс хурит, кина-охсат суссылтасыт. Тот пуссын нәңкыс, хумус суп йинаве, юнтаве, суп лөмтанэ хумус ләвавет, та маныр.

Ханты суп тох юнтаве – суп вәрнэ мәгыс 1,5 метра ос 3 метра сәвит тәр виңкве эри, пәңхвитэ 1,5 метраг вос олы. Овлэт котле йинаве, та юи-пәлт ёлытэ, тувыл ущ наке, туре ос тәйтаге. Хунь суп асты, ёлытэ сакныл вәрим лөпсыл нётаве.

Тамле ханищтап вәруңкве вәтихал эри, мәнәлат ағит вос вәганыл, мэхманув ханты суп хумус йинсыт, юнтсыт. Сәв мэхум атхатыглас, кәсың хөтпан пұмащипа ләтың ләвёв.

Полноват пәвыл нэ Людмила Васильевна

Туполева пәс хурит суссылтас, кина хосыт суп лөмтанэ наманыл хұнтамласув.

Касум пәвыл нэ Людмила Никоновна Кондрашина потыртас, суп хоты мätэт пәквпалыт юнтуңкве рөви.

Полноват пәвыл нэ Ольга Матвеевна Сайнахова хуритт мәнә суп суссылтас, тамле супыт тав апыгрище юнты. Белоярский үст оlnэ нэ Любовь Никоновна Бизина кит суп суссылтас, потыртас, ханты лätңыл лөмтанэ хумус ләвавет.

Валентина Григорьевна Багишева, Татьяна Леонидовна Аликова ос Ольга Леонидовна Тасьманова Касумныл ёхталасыт, тән ос суп накыт урыл потыртасыт, ханты мэхум элнаң суп хумус йинсыт, манарыл хорамтасаныл. Ванзеват-



Ищхйпың утыг вим хурит

Л.В. Туполева

ныл олум нэ Нина Васильевна Шабаршина такви супе суссылтастэ.

Ты «Ханты ернас» («Ханты суп») нампа тэла палт Людмила Васильевна Туполева нөх-патыс. Нэ суп вәрнэ төрыл мүй-луптавес, мөт мэхум ос сыре-сыр мүйлупсал май-вёсыт.

Октябрьский район Уньюган пәвылт оlnэ нэ Валентина Геннадьевна Фанова ләвыс, суссылтапув ёмашакв сунсыстэ. Тав оlnэ мätэт «Спасение Югры» организация палт пүңкоты. Нэ тох потыртас:

– Ам ань татем ёмас, пұмышц потрыт хұнтлысум, мәщтыр мэхум кәсаласум. Ты сака эрнэ тэла. Мөтыт щёс эрың юнхатункве вуйхатэв, нән хумус ном-


сэгың, кәсашегын?

Суп вәрнэ тәр ёвтну-вув, эрнэ сәлмыт щёпитанувув, тувыл ань ты ищхйпың ут хосыт вос суссылтавёв, хумус йинэв.

Мөтыт хөтал ос юнхатункве овылтахтэв. Хунь супанув астэгыт, нөх-маснунув, мирн суссылтанув.

Кәсың щаквцин нэв ищхйпың ут хосыт вос потырты, супе хумус йиныстэ, хумус юнтыстэ. Тох пуссын нәңки, хумус щаквщункве эри, халанувт татем ханищтахтынув.

Ирина Фирсова
Белоярский үсныл
көтум потре мәнәни
лätңыг **Светлана
РОМБАНДЕЕВА**
толмашластэ



Ханты супыг